

**Шанхай ынтымақтастық ұйымының Аймақтық терроризмге қарсы құрылымы аясындағы Құпия ақпараттарды қорғауды қамтамасыз ету жөніндегі келісіміне қол қою туралы**

Қазақстан Республикасы Президентінің 2004 жылғы 16 маусымдағы N 1398 Жарлығы  
Қаулы етемін:

1. Шанхай ынтымақтастық ұйымы аясындағы Аймақтық терроризмге қарсы құрылымының Құпия ақпараттарды қорғауды қамтамасыз ету жөніндегі келісімінің жобасы мақұлданын.

2. Шанхай ынтымақтастық ұйымы аясындағы Аймақтық терроризмге қарсы құрылымының Құпия ақпараттарды қорғауды қамтамасыз ету жөніндегі келісімге қол қойылсын.

3. Осы Жарлық қол қойылған күнінен бастап күшіне енеді.

*Қ а з а қ с т а н                      Р е с п у б л и к а с ы н ы ң*

*Президенті*

Қ а з а қ с т а н

Р е с п у б л и к а с ы

П р е з и д е н т і н і ң

2 0 0 4

ж ы л ғ ы

1 6

м а у с ы м д а ғ ы

N

1 3 9 8

Ж а р л ы ғ ы м е н

Мақұлдаған

**Шанхай ынтымақтастық ұйымының Аймақтық терроризмге қарсы құрылымы шеңберіндегі құпия ақпаратты қорғауды қамтамасыз ету туралы  
Келісім жобасы**

Бұдан әрі Тараптар деп аталатын Қазақстан Республикасы, Қытай Халық Республикасы, Қырғыз Республикасы, Ресей Федерациясы, Тәжікстан Республикасы, Өзбекстан Республикасы (бұдан әрі - мемлекеттер) және Шанхай ынтымақтастық ұйымы,

Тараптардың ынтымақтастығы барысында құпия ақпаратты қорғауды қамтамасыз етуге ұмтылып,

2001 жылғы 15 маусымдағы Терроризмге, сепаратизмге және экстремизмге қарсы күрес туралы Шанхай конвенциясын және 2002 жылғы 7 маусымдағы Шанхай

ынтымақтастық ұйымына мүше мемлекеттердің арасындағы Аймақтық терроризмге қарсы құрылым туралы келісімді назарға ала отырып, төмендегілер туралы келісті:

## 1-бап

Осы Келісімнің мақсаттары үшін қолданылған терминдер:

мемлекеттік құпия - заңсыз таратылған жағдайда мемлекеттердің қауіпсіздігі мен мүдделеріне нұқсан келтіретін, мемлекеттердің ұлттық заңнамаларына сәйкес қорғалатын кез келген нысандағы мәліметтер;

құпия ақпарат - мемлекеттердің ұлттық заңнамаларына сәйкес, мемлекеттік құпия ретінде қорғалатын, кез келген нысандағы, Тараптардың ынтымақтастығы үдерісінде алынған (берілген) және (немесе) құрылған (пайда болған), ал Шанхай ынтымақтастық ұйымы Аймақтық терроризмге қарсы құрылымында - құпия ақпаратпен жұмыс істеу ережелеріне сәйкес мәліметтер;

құпия ақпаратты (мемлекеттік құпияларды) тасушылар - құпия ақпараттық нышандар, үлгілер, белгілер, техникалық шешімдер және үдерістер түріндегі өз көрінісін табатын материалдық объектілер, соның ішінде физикалық өрістер;

құпия ақпаратты қорғау - құпия ақпараттың заңсыз таратылуын болдырмау және оны тасушыларды сақтау мақсатында қолданылатын құқықтық, әкімшілік, ұйымдастырушылық, инженерлік-техникалық және өзге де шаралар;

құпия ақпаратты заңсыз тарату - құпия ақпаратты заңсыз жариялауға беру немесе осы ақпаратты таратудың белгіленген тәртібін (ережесін) бұзу салдарынан оларға енуге рұқсаты жоқ тұлғаларға белгілі болуы;

құпиялылық белгісі - құпия ақпаратты (мемлекеттік құпияны) тасушыға қойылған және (немесе) оның тасушысында тұрған мәліметтердің құпиялылығы дәрежесін куәландыратын ілеспе хатта көрсетілген деректеме;

мемлекеттік құпияны білуге рұқсат - мемлекеттік құпияны білуге рұқсат беруге жеке тұлғалар құқығын ресімдеу рәсімі;

құпия ақпаратқа ену - мемлекеттік құпияны білуге тиісті рұқсаты бар жеке тұлғаның құпия ақпараттармен таныстыру үдерісі;

рұқсат нысаны - мемлекеттердің ұлттық заңнамаларына сәйкес ресімделетін, жеке тұлғаның тиісті құпиялылық дәрежесі бар мемлекеттік құпиялармен танысу құқығын б е к і т е т і н қ ұ ж а т ;

тергеу - құпия ақпаратты заңсыз тарату жағдайларын, оған қатысы бар тұлғаларды, келтірілген нұқсанның сипаттамасы мен көлемін, сондай-ақ құпия ақпараттың заңсыз таратылуына жол берген себептер мен жағдайларды анықтау мақсатында Тараптар мемлекеттердің ұлттық заңнамаларына және қабылданған рәсімдерге сәйкес қабылданатын тәртіптік, әкімшілік, қылмыстық іс жүргізу және өзге де шаралар

ж и ы н т ы ғ ы ;

Тараптар өкілдері - Тараптардың органдары немесе ұйымдарының лауазымды және (немесе) өзге де уәкілетті адамдары дегенді білдіреді.

## **2-бап**

1. Осы Келісімнің мәні құпия ақпаратты қорғау саласында және олардың заңсыз таратылуының ықтимал деректерін тергеуде Тараптардың құзыретті органдарының ынтымақтастығы болып табылады.

2. Тараптардың құзыретті органдары арасында құпия ақпаратты беру тікелей, елшілік арналар, фельдъегерлік қызмет бойынша немесе берілетін ақпараттың қорғалуын қамтамасыз ететін ақпаратты берудің техникалық құралдарын пайдалану арқылы жүзеге асырылады.

## **3-бап**

1. Егемендік теңдік, басқа мемлекеттердің ішкі істеріне араласпау, ұлттық заңнамалар мен осы Келісім қағидаттарына сәйкес әрбір мемлекет өзінің міндеттерін осы Келісімге сәйкес жүзеге асырады.

2. Осы Келісімде ешнәрсе де Тараптарға тек қана басқа Тараптың құзыретіне кіретін құзыры мен функцияларын жүзеге асыру құқығын мүдделей алмайды.

## **4-бап**

Құпия ақпаратты бар зияткерлік қызметтің нәтижелеріне ерекше меншіктік құқық және осындай ақпаратты тасушыларға меншіктік құқық беруді беруші Тараптардың құзыретті органы жүзеге асырады.

Тараптардың құзыретті органдарының ынтымақтастығы барысында жасалынған құпия ақпаратты бар зияткерлік қызметінің нәтижелеріне ерекше құқықтар туралы мәселелер, сондай-ақ ынтымақтастық барысындағы құпия ақпаратты заңсыз таратылған жағдайда ықтимал нұқсанды өтеуге қатысты талаптарды реттеу тәртібі мемлекеттердің ұлттық заңнамалары, Шанхай ынтымақтастық ұйымының Аймақтық терроризмге қарсы құрылымының рәсімдері және халықаралық шарттар негізінде шешіледі.

## **5-бап**

Осы Келісім шеңберінде Тараптардың құзыретті органдары алмаса алатын құпия ақпараттың құпиялылық дәрежелері және тасушылар үшін осы дәрежелерге сәйкес келетін құпиялылық белгілері төмендегідей түрде салыстырылады:

Қазақстан Республикасында - өте құпия, құпия

Қытай Халық Республикасында - құпия, жасырын  
Қырғыз Республикасында - өте құпия, құпия  
Ресей Федерациясы - өте құпия, құпия  
Тәжікстан Республикасы - өте құпия, құпия  
Өзбекстан Республикасы - өте құпия, құпия  
Шанхай ынтымақтастық ұйымында - өте құпия, құпия.

## **6-бап**

1. Мемлекеттер осы Келісімді іске асыруға жауапты құзыретті органдарды белгілейді және осы Келісімнің күшіне енуі үшін қажетті мемлекетішілік рәсімдер орындалған күннен бастап отыз күн ішінде депозитарийді жазбаша түрде хабардар етеді.

2. Шанхай ынтымақтастық ұйымы тарапынан құзыретті орган Шанхай ынтымақтастық ұйымының Аймақтық терроризмге қарсы құрылымы болып табылады.

## **7-бап**

Тараптардың құзыретті органдары ұлттық заңнамаларда, Шанхай ынтымақтастық ұйымының Аймақтық терроризмге қарсы құрылымның Кеңесі қабылдаған Шанхай ынтымақтастық ұйымының Аймақтық терроризмге қарсы құрылымында құпия ақпаратпен жұмыс істеу ережелерінде және осы Келісімде көзделген тәртіпте ынтымақтастық барысында пайдаланылатын құпия ақпаратты қорғауды қамтамасыз етеді.

## **8-бап**

Шанхай ынтымақтастық ұйымының Аймақтық терроризмге қарсы құрылымының Атқарушы комитетінде құпия ақпаратты қорғауға жауапты арнайы уәкілетті адамдар тағайындалады, олар құпия ақпарат тасушыларды алады, сақтайды, көбейтеді, таныстырады, береді және жояды, оларды пайдалануды қадағалайды.

Мемлекеттерде құпия іс жүргізу ұлттық заңнамаларға, ал Шанхай ынтымақтастық ұйымының Аймақтық терроризмге қарсы құрылымында - құпия ақпаратпен жұмыс істеу ережелеріне сәйкес жүргізіледі.

## **9-бап**

1. Әрбір мемлекет және Шанхай ынтымақтастық ұйымы: құпиялылық дәрежесіне осы Келісімнің 5-бабына сәйкес салыстырмалы құпиялылық дәрежесі бар мемлекеттік құпияларға қатысты қолданылатын тиісті құпиялылық дәрежесімен қорғау шараларын қолдану;

басқа мемлекеттер ресімдеген мемлекеттік құпияларға рұқсаттарды тану;  
Тараптардың өкілдеріне оларға мемлекеттік құпияларды қорғау кезінде қойылатын құпия ақпаратты қорғауды қамтамасыз ету жөніндегі міндеттерді жүктеу;

Тараптардың өздері азаматы болып табылатын мүше мемлекеттерде ресімделген мемлекеттік құпияны білуге рұқсаты бар өкілдеріне Тараптар ынтымақтастығы шеңберінде қызметтік міндеттерді атқару мақсатында құпия ақпаратқа рұқсат беру;

басқа Тараптардан алынған құпия ақпаратты тек қана оны беру кезінде көзделген мақсаттарға с а й п а й д а л а н у ;

құпия ақпаратты берген Тараптың алдын ала жазбаша келісімінсіз оны үшінші тарапқа бермеу үшін тиісінше заңнамалық және басқа да шаралар, сондай-ақ ережелер қ а б ы л д а й д ы .

2. Әрбір мемлекет ұлттық заңнамаларының негізін қалайтын қағидаттарына сәйкес, ауыр салдарларға әкеліп соқтырған құпия ақпаратты қасақана заңсыз таратуды қылмыстық жазалауға жататын әрекет ретінде тануы үшін талап етілуі мүмкін заңнамалар мен басқа да шаралар қабылдайды.

## **10-бап**

1. Әрбір мемлекет өздері Шанхай ынтымақтастық ұйымының Аймақтық терроризмге қарсы құрылымына құпия ақпаратты пайдалануға қатысы бар тұрақты жұмысқа жіберілетін адамдарға мемлекеттік құпияларға ену үшін рұқсаттың тиісті нысанын ресімдейді және бұл туралы Шанхай ынтымақтастық ұйымы Аймақтық терроризмге қарсы құрылымының Атқарушы комитетін жазбаша нысанда хабардар е т е д і .

Бір рет келіп кететін адамдарда, қажет болған жағдайда мемлекеттік құпияға ену үшін рұқсаттың тиісті нысаны болуға тиіс.

2. Шанхай ынтымақтастық ұйымы Аймақтық терроризмге қарсы құрылымының Атқарушы комитеті мемлекеттерді өздерінің лауазымды адамдарында мемлекеттік құпияларға ену үшін рұқсаттардың тиісті нысандарының бар екенін хабарлайды.

## **11-бап**

Мемлекеттердің құпия ақпаратты беруі ұлттық заңнамаларға, ал Шанхай ынтымақтастық ұйымының Аймақтық терроризмге қарсы құрылымында - құпия ақпаратпен жұмыс істеу ережелеріне сәйкес жүзеге асырылады.

## **12-бап**

1. Құпия ақпаратты алуға жауапты құзыретті орган алынған құпия ақпаратты тасушыларға осы Келісімнің 5-бабына сәйкес құпиялылық белгісінің

салыстырмалылығы туралы қосымша бұрыштама басады.

Құпиялылық белгісінің салыстырмалылығы туралы бұрыштама басу аударма, көшірме жасау немесе көбейту нәтижесінде пайда болған құпия ақпаратты тасушыларға міндетті түрде қойылады.

Егер құпия ақпарат басқа тасушыға ауыстырылған немесе көшірілген жағдайда онда оған түпнұсқаның құпиялылық белгісіне сәйкес келетін құпиялылық белгісін салыстырмалылығы туралы бұрыштама басылады.

Берілген құпия ақпараттың негізінде пайда болған құпия ақпаратты тасушыға берілген құпия ақпараттың құпиялылық белгісінен төмен емес құпиялылық белгісінің салыстырмалылығы туралы бұрыштама басылады.

Мемлекеттердің құзыретті органдары құпия ақпаратты тасушыларды осы Келісімнің 5-бабына сәйкес салыстырмалы құпиялылық белгісі бар өздерінің мемлекеттік құпияларды тасушыларына қатысты қолданылатын талаптарына сәйкес, ал Шанхай ынтымақтастық ұйымының Аймақтық терроризмге қарсы құрылымында - құпия ақпаратпен жұмыс істеу ережелеріне сәйкес есепке алады, сақтайды және жояды.

2. Алынған құпия ақпараттың құпиялылық дәрежесі тек берген Тараптың жазбаша рұқсатымен ғана өзгертіледі немесе алынады.

3. Тараптардың құзыретті органдарының ынтымақтастығы барысында жасалған зияткерлік қызмет нәтижелерінде бар құпия ақпараттың құпиялылық дәрежесін өзінің ұлттық заңнамаларының негізінде немесе құпия ақпаратпен жұмыс істеу ережелеріне сәйкес жасалған зияткерлік қызмет нәтижесінің ерекше құқығының иегері анықтайды.

4. Құпия ақпаратты тасушының жойылғандығы туралы оны берген Тараптың құзыретті органы жазбаша хабардар етіледі.

## **13-бап**

1. Құзыретті органдар осы Келісімнің іске асырылуына қажетті көлемде мемлекеттік құпияларды және құпия ақпаратты қорғау саласында өз Тараптарының тиісті нормативтік-құқықтық актілерімен, өзге де актілерімен және рәсімдерімен өзара а л м а с а д ы .

2. Ынтымақтастықты қамтамасыз ету мақсатында Тараптардың құзыретті органдары осы Келісімді іске асыру кезінде олардың біреуінің сұрауы бойынша бірлескен кеңестер өткізеді.

## **14-бап**

1. Жіберуші Тараптың өкілдерінің олардың құпия ақпаратқа енуіне рұқсатты көздейтін, қабылдаушы Тараптың құзыретті органына баруы қабылдаушы Тараптың құзыретті органының Тараптардың ұлттық заңнамаларына немесе рәсімдеріне және

осы Келісімге сәйкес қабылданған шешімі бойынша жүзеге асырылады.

2. Жіберуші Тарап өкілдерінің бару мүмкіндігі тұрғысынан өтініш, егерде құзыретті органдар өзгеше келіспесе, қабылдаушы Тараптың құзыретті органына межеленген кездесуге кемінде отыз күн қалғанға дейін жолданады.

Аталған өтініш қабылдаушы Тарапта қабылданған заңнамаларға немесе рәсімдерге сәйкес жазылады, онда төмендегі мәліметтер қамтылуға тиіс:

Тарап өкілінің тегі, аты, әкесінің аты, оның азаматтығы, жеке басын куәландыратын құжат (төлқұжат) нөмірі;

лауазымы көрсетілген өзі өкілі болып табылатын органның атауы; тиісті құпиялылық дәрежесі бар мемлекеттік құпияға ену рұқсатының бар болуы;

танысуы қажет құпия ақпарат;

барудың межеленген күні, жоспарланған ұзақтығы және мақсаты.

3. Қабылдаушы Тараптың тиісті құзыретті органы жіберуші Тараптың өкілдерін қабылдаушы Тараптың тиісті құпиялылық дәрежелі құпия ақпаратпен (мемлекеттік құпиямен) жұмыс істеу ережесімен таныстырады;

Жіберуші Тараптың өкілдері көрсетілген ережелерді сақтайды.

Жіберуші Тараптың өкілдері өздерінің қабылдаушы Тараптың тиісті құпиялылық дәрежелі құпия ақпаратпен (мемлекеттік құпиямен) жұмыс істеу ережесімен танысу және оларды сақтау фактісін жазбаша куәландырады.

4. Жіберуші Тарап өкілінің құпия ақпаратқа (мемлекеттік құпияға) енуі осы бапта көрсетілген талаптарды орындаған жағдайда ғана жүзеге асырылады.

## 15-бап

Егер тиісті Келісімде өзгеше көзделмесе, өздерінің аумағында құпия ақпаратты қорғау жөніндегі шараларды жүзеге асыруға байланысты пайда болған барлық шығыстарды мемлекеттер әрқайсысы өздері көтереді.

Шанхай ынтымақтастық ұйымының Аймақтық терроризмге қарсы құрылымында құпия ақпаратты қорғауды қамтамасыз етуге жұмсалатын шығыстар Шанхай ынтымақтастығы ұйымының бюджетінен жүзеге асырылады.

## 16-бап

1. Құпия ақпаратты заңсыз тарату фактілері анықталған жағдайда Тараптар консультация өткізеді, талқылау жүргізіп, нәтижелері туралы бірін бірі хабардар етеді.

2. Құпия ақпараттың заңсыз таратылуына жол берген тұлға қандай жағдайда да осындай жолсыздық өзі азаматы болып табылатын мемлекеттің құзырында болады. Егер бұл тұлғаның азаматтығы жоқ болса, онда ол өзі тұрақты тұрып жатқан мемлекет құзырында болады.

3. Мемлекеттер құпия ақпараттың заңсыз таралуын тергеу кезінде - ұлттық

заңнамаларды, ал Шанхай ынтымақтастық ұйымының Аймақтық терроризмге қарсы құрылымы - онда қабылданған тәртіптік рәсімдерді қолданады.

4. Мемлекеттер ұлттық заңнамаларда және өз араларындағы қолданыстағы құқықтық көмек, қылмыстық өндірістерді беру және өзара алмасу мәселелері жөніндегі халықаралық шарттарда көзделген тәртіпте құпия ақпаратты заңсыз таратуға байланысты тергеуде, іздестіруде және соттық талқылауда бір-біріне барынша кең көлемде көмек көрсетеді.

Шанхай ынтымақтастық ұйымының Аймақтық терроризмге қарсы құрылымы қабылданған рәсімдерге сәйкес тергеуді жүзеге асырып жатқан мемлекетке оны жүргізуде барынша кең көлемде көмек көрсетеді.

5. Құпия ақпараттың меншік құқығы иесіне оны заңсыз таратумен келтірілген залалдың көлемі мен оны өтеу тәртібі Тараптар арасындағы бөлек келісімдермен айқындалады.

## **17-бап**

Осы Келісім Тараптардың осы Келісімнің мәні болып табылатын және оның мақсаттарына қайшы келмейтін мәселелер бойынша басқа халықаралық шарттар жасасуға шектеу қоймайды, сондай-ақ Тараптардың олар қатысушы болып табылатын өзге де халықаралық келісімдерден туындайтын құқықтары мен міндеттеріне қол сұқпайды.

## **18-бап**

Осы келісімді түсіндіруге немесе қолдануға қатысты даулар тараптар арасындағы келіссөздер немесе консультациялар арқылы шешіледі.

## **19-бап**

Осы Келісім шеңберіндегі ынтымақтастықты жүзеге асырудағы жұмыс тілі орыс және қытай тілдері болып табылады.

## **20-бап**

Осы Келісімге Тараптардың келісімі бойынша өзгерістер енгізілуі мүмкін, олар осы Келісімнің ажырамас бөлігі болып табылатын хаттамалармен ресімделеді және аталған Келісімнің 21-бабында белгіленген тәртіпте күшіне енеді.

## **21-бап**



1. Осы Келісім мемлекеттердің депозитарийі осы Келісімнің күшіне енуіне қажетті мемлекетішілік рәсімдерді олардың орындағаны туралы жазбаша хабарлардың соңғысын алғаннан кейін отызыншы күні күшіне енеді.

2. Осы Келісімнің депозитарийі Шанхай ынтымақтастық ұйымының хатшылығы болып табылады. Депозитарий мемлекеттерге осы Келісімнің ресми көшірмелерін оған қол қойылған күнінен бастап он бес күн ішінде жібереді.

3. Депозитарий мемлекеттерден осы Келісімнің 6-бабының 1-тармағында көрсетілген олар айқындаған құзыретті органы туралы хабарды алғаннан бастап он бес күн ішінде басқа мемлекеттерді оның атауы туралы хабардар етеді.

## **22-бап**

Осы Келісім 2001 жылғы 15 маусымдағы Терроризмге, сепаратизмге және экстремизмге қарсы күрес туралы Шанхай конвенциясына қатысушы басқа да мемлекеттердің қосылуына ашық. Қосылған мемлекет үшін осы Келісім депозитарийі оның қосылуы туралы құжатты алғаннан кейін отызыншы күні күшіне енеді.

## **23-бап**

Тараптардың әрқайсысы осы Келісімнен шығу үшін, шығудың межеленген күнінен он екі ай бұрын депозитарийге жазбаша хабар жолдай отырып, осы Келісімнен шыға алады. Депозитарий шығу туралы хабар алған күннен бастап отыз күн ішінде осы ниет жөнінде басқа Тараптарды хабардар етеді.

Осы Келісімнің қолданысы тоқтатылған жағдайда құпиялылық белгісі алынғанға дейін оның құпия ақпараттарға қатысты ережелері қолданыла береді.

200\_\_ жылғы " \_\_ " \_\_\_\_\_ каласында бір түпнұсқа данада орыс және қытай тілдерінде жасалды, екі тілдегі мәтіннің күші бірдей.

*Қазақстан Республикасы үшін*

*Қырғыз Республикасы үшін*

*Қытай Халық Республикасы үшін*

*Ресей Федерациясы үшін*

*Тәжікстан Республикасы үшін*

*Өзбекстан Республикасы үшін*

*Шанхай ынтымақтастық ұйымы үшін*